



O Xurado Provincial de Clasificación de Montes veciñais de Pontevedra, dictou a seguinte **RESOLUCIÓN**:

**ASISTENTES**

**PRESIDENTE**

D. Gonzalo Constenla Bergueiro  
(Delegado Provincial da Consellería do Medio Rural)

**VOCAIS**

D. Víctor Abelleira Argibay  
(Avogado polo Colexio da provincia)  
Dna. M<sup>a</sup> Jesús Novoa Suárez  
(Letrado da Asesoría Xurídica da Xunta, exercendo amáis as funcións de secretario)

**VOCAL REPRESENTANTE DA  
CMVMC DE CURRO, CONCELLO DE  
BARRO**

D. Miguel Maquieira Cancela

Na cidade de Pontevedra, sendo as dezasete horas do día vinteseite de febreiro do 2008, coa asistencia das persoas ó marxe reseñadas, reúnese na 4<sup>a</sup> planta do edificio sito no nº 47 da rúa Benito Corbal o Xurado Provincial de Clasificación de Montes Veciñais en Man Común ó obxecto de decidir sobre a clasificación do monte "Eira das Varelas - Castrove", da CMVMC de Curro, do concello de Barro

**ANTECEDENTES DE FEITO**

**PRIMEIRO.-** Con data de entrada 20/09/06, D. Miguel A. Maquieira Cancela, na súa condición de presidente da CMVMC de Curro, do concello de Barro, e en representación da mesma, presenta solicitude de iniciación de expediente de clasificación do monte denominado "Eiras das Varelas - Castrove" como veciñal en man común para os veciños da parroquia de Curro, acompañando informe técnico e pericial, describindo o monte, identificación, superficie, ocupacións e lindeiros

**SEGUNDO.-** O Xurado Provincial de Montes en Man Común acordou, na súa sesión de 26/10/06, incoar o correspondente expediente de clasificación do devandito monte a prol da CMVMC de Curro, do concello de Barro



**TERCEIRO.-** O rexistrador da propiedade de Caldas de Reis, certifica con data 04/06/07, que o monte solicitado non aparece inscrito a nome de persoa algunha.

**CUARTO.-** Á vista da documentación aportada polo solicitante e o informe do Servizo de M.I.F. o monte obxecto do presente expediente, obedece á seguinte descrición:

**CONCELLO: BARRO**

**PARROQUIA: CURRO**

**NOME DO MONTE: "Eira das varelas - Castrove"**

**Cabida: 8.884 M/2 (superficie alegada na solicitude)**

**Lindes:**

**Norte:** Estrada ó lugar de Fonte de Curro e predios particulares de Roberto Palacios Ares, Edelmiro Varela Abal, Antonio Falcón Sartal e outros

**Sur:** Predios particulares de Herminda Rivas Outeda, Cecilia López Pazos, Manuel Núñez Sartal, José Sartal Pazos, José Magariños Pasarín, Manuel Sabarís González, Modesto Sabarís, Ernestina Pazos Louzán, Ramona Pazos Sabarís, Salvador Güimil Sabarís, Albino Agraso López, Teresa Varela Maquieira, Cecilia Varela Varela, Remedios García Varela, José Touriño Güimil e outros

**Leste:** Predios particulares de Sara Mouriño Magdalena, Amelia Abal Moldes e outros e monte xa clasificado da propia CMVMC de Curro

**Oeste:** Predios particulares de Manuel Varela Varela, Luis Varela Mouriño, Ernestina Pazos Louzán, Cecilia López Pazos, José Manuel Abollo Puente e outros

**QUINTO.-** Realizadas as comunicacións do artigo 23 do Decreto 260/1992, do 4 de setembro, e aberto periodo de audiencia, non se presentan alegacións

### FUNDAMENTOS DE DEREITO

**Primeiro:** O Xurado Provincial de Clasificación de Montes Veciñais en Man Común ten a competencia para coñecer os expedientes de clasificación dos montes que teñan tal carácter a tenor do establecido no artigo 9 da Lei 13/1989, do 10 de outubro, de montes veciñais en man común.

**Segundo.-** De conformidade có artigo 1 da Lei 13/1989 do 10 de outubro, de montes veciñais en man común, e no artigo 1 do Decreto 240/1992 do 4 de setembro comprende entender por montes veciñais en man común "*... os terreos radicados na Comunidade Autónoma de Galicia que con independencia da súa orixe, as súas posibilidades productivas, o seu aproveitamento actual e a súa vocación agraria pertencen a agrupacións veciñais na súa calidade de grupos sociais e non como entidades administrativas, e os veñan aproveitando consuetudinariamente en réxime de comunidade, sen asignación de cuotas, os membros daquelas na súa condición de vecinos*".



Así, segundo abundosa xurisprudencia, o feito que xustifica a clasificación ou non como vecinal dun determinado monte, en vía administrativa, é a circunstancia de terse ou non demostrado o aproveitamento consuetudinario en man común, prescindindo das cuestións relativas á propiedade e demais dereitos reais.

**Terceiro.-** O Xurado de Montes, en reunión celebrada en data 17/07/80, acordou a clasificación do monte "Castrove", colindante ó solicitados no presente expediente, por quedar acreditado o seu aproveitamento por parte dos veciños da parroquia de Curro.

O monte "Eira das varelas - Castrove", pódese considerar que forma parte desa unidade xeográfica xa clasificada.



O uso en man común do monte solicitado tense suficientemente acreditado pola documentación aportada polos solicitantes e polo informe do Servicio de Montes e Industrias Forestais de data 04/05/07 (Folio 25 do expediente).

En consecuencia, vista a Lei galega 13/1989, do 10 de outubro, de Montes Veciñais en Man Común e o seu Regulamento, aprobado por Decreto 260/1992, do 4 de setembro, e demais preceptos legais e regulamentarios de xenérica e específica aplicación, proponse polo Instructor e de maneira unánime o Xurado **ACORDA:**

**CLASIFICAR como veciñal en man común o monte denominado "Eira das Varelas - Castrove", a prol da CMVMC de Curro, do concello de Barro de acordo coa descrición reflectida no feito cuarto e a planimetría elaborada ó efecto polo Servizo de Montes e Industrias Forestais que forma parte inseparable da presente Resolución**

Contra a presente Resolución que pon fin á vía administrativa, poderase interpoñer recurso de reposición con carácter potestativo perante o Xurado Provincial de Clasificación de Montes Veciñais en Man Común de Pontevedra no prazo dun mes, ou ben interpoñer directamente recurso contencioso-administrativo perante o Xulgado do Contencioso-Administrativo de Pontevedra no prazo de dous meses contados dende o día seguinte ó da presente notificación, de acordo co disposto no artigo 116 da Lei 30/1992, do 26 de novembro, de Réxime Xurídico das Administracións Públicas e do Procedemento Administrativo Común, modificada pola Lei 4/1999, do 13 de xaneiro, e nos artigos 8 e 46 da Lei 29/1998, do 13 de xullo, reguladora da Xurisdicción Contencioso-Administrativa





DATA : Maio-2008  
 AUTOR : TOPOGRAFIA  
 ESCALA : 1/5.000

Nº de plano:  
 1 de 1.

OBSERVACIONES :  
 Este documento realizouse montando os planos que constan nro expediente. Atendendo as indicacións da proposta de clasificación.

TRABALLO : PLANO DE CLASIFICACION  
 CONCELLO : BARRO  
 COMUNIDADE : CMVMC de CURRO MONTE : Eira das Varelas-Castrove.  
 PARROQUIA : CURRO



**XUNTA DE GALICIA**  
 CONSELLERIA DE MEDIO AMBIENTE  
 SERVIZO DE MONTES-DELEGACION DE PONTEVEDRA